

四庫全書

集部

欽定四庫全書

燭湖集卷十六

宋 孫應時 撰

五言律詩

中秋次仲兄韻

萬古清秋月連年滿意晴坐從衣露濕目恐海雲生
盜盃中趣悠悠世上名柴門幸無客不用酌公榮

杜子貞遠訪自言山居之勝以二詩送之

識子雲溪上天星已再周故人今略盡斯世界何求得

喪元相似乘除豈自謀初心幸無恙餘事一虛舟
喜說山居勝蘭亭一盼中松楸今十世竹帛故三公念
德心何極幽栖道未窮吾歸訪巖壑雞黍更誰同

山庵秋夕

山晚下樵牧秋聲生夜長精廬脫塵想倦枕愜新涼萬
里一筇在百年雙鬢蒼定知閒有味不必醉為鄉

十七夜如山庵

一雨秋能好連宵月迴明百年今夕話萬里去年情水

滿天相蕩山空人獨行
蟬聲發奇思攜酒未須傾

宿寶墟庵

水靜回風度天晴落日酣
因隨漁子艇得憇野僧庵
獨飲不成醉高懷無與談
微吟夜寥閨一睡極清甘

晨興有歎

月落霜如雪風回水正冰
百思勞夜夢多病怯晨興
世事甘牢落心期獨戰兢
床頭書在眼且莫負寒燈

晚望詩

倚杖柴門外蟬聲晚正清水涵初月白山對落霞明心
迹真無事行藏付此生鄰翁過相語有喜近西城

隆興甲申仲冬回自郡城宿龍泉寺遇雪

乘興登山寺匆匆未暇歸偶逢天色變忽見雪花飛佛
屋渾迷瓦僧房半掩扉坐看青嶂老一笑透禪機

秋曉

高葉明初日偏林澹遠烟晴空如滉漾秋氣更暄妍睡
足小窓淨心清浮慮捐與人同樂意憂國見豐年

曉晴

碧海明初日青山破宿煙寒陰都辟易芳景正澄鮮屋
角禽聲姹池塘蝶影翩春光吾負汝今日一欣然

君行定何許捨棹越林丘社甕不容挽溪毛聊可羞禪
床應濯足衲被徑蒙頭靜境有真趣樂哉何所憂

短髮日夜白年華令我愁平生幾蠟屐舊隱一漁舟漫
有詩陶寫應須酒拍浮相過慰情素數肯抱琴不

慈溪道中次伯兄韻

露洗三更月秋澄萬里天潮生聲蕩濤雲渡影聯翮物
妙本無盡世分直可憐悠然一杯酒橫策自鳴舷

送史同叔司直造朝

天壤王郎子芝蘭謝傳家班行想風采詩禮倍光華萬
里鞭先著連城玉未瑕公餘閉齋閣黃卷有生涯
相國三槐位郎君疊桂枝談經天祿閣指日鳳凰池道
術千年緒功名百世期中朝呂范氏端的有餘師

次仲氏韻

客裏三年恨歸來百慮輕靜堪眠夜雨夢不數郵程荒
徑九節杖涼牕二尺檠吾生本易足此外復何營

詒姪生日

吾惟兩猶子汝復近成童已枉十年讀何時萬卷通聖
賢垂日月豪傑起雲風燈火清秋夜宜加百倍功

醉中五言一首送楊叔與昆仲

一杯分夕露連壁映清湖北道山方好西風暑況徂掄
才終遠器發軔更良圖腸斷山陽賦看君氣一蘇

送史同叔知池州

弄水亭無恙青溪古畫圖民風最淳朴郡計足枝梧漢
璽行褒召潘輿且燕娛平生故人意未改歲寒無

人地維垣後功名治郡初細尋循吏傳少輟子雲書鈴
閣閒無奈江山興有餘由來形勝地保障定何如

予頃至鄆中常館同叔之筠軒修篁交陰竒石
中峙清風爽致襲人肌骨今年夏又假榻數夕
嘗得小詩以示同叔因其通書寫寄池陽郡齋

玉立衆君子巖瞻一丈夫老蒼何突兀密節各敷腴風
日清如許塵埃到得無主人三益友不厭著臞儒

和仲氏除夕書懷

頭顱遂如許忽忽意多違漸合知天命能無悟昨非春
觴欣母壽秋穀爲民祈猿鶴應催我塵埃好振衣

新春書懷

樂國爭春早寒牕獨夜分舊期心不動今恐老無聞結
習唯黃卷凝愁奈白雲梅梢香漸少還起炷爐薰

送高南仲之華亭

子向雲間去，吾空澤畔吟。
長因句中眼，不忘別時心。
梁木蟠根大，淵泉汲綆深。
丈夫千載事，莫待鬢霜侵。

送高南伯入太學

我昔橋門客，于今喜送君。
天資自金玉，風味更蘭薰。
各為親年重，難忘別意勤。
功名何必問，怒翼正垂雲。

留妻兄張伯高

千里三年別，輪腸日萬周。
交親誰復似，聲氣早相求。
把

手兒能笑開樽婦可謀天寒須且住未放剡溪舟
歎息青雲器功名指掌中星星今一老衮衮看諸公飲
劇休辭醉文高不送窮丈夫心事在未許俗人同

冬十月赴官海陵過會稽諸生飲餞魯墟橋酒
罷就舟倦甚眷然有作

體倦知茵薄寒侵覺歲高功名兩蝸角人物九牛毛行
意看飛鳥離歌指大刀依依紅葉樹回首入秋毫

海陵歲暮

地氣長江北雲容古戍邊層冰明薄日積雪了窮年鄉
遠勞羈夢官閒足晏眠客來相勞苦不責坐無羶

獵騎呼鷹地胡笳落雁邊梅花非故里草色近新年莫

若登樓望聊須殢酒眠江南多貴將歌舞悵垂羶
城郭依荒草風雲帶極邊猶多故時老共說太平年歲
聘皇華去秋防戍鼓眠誰知明主意拊髀憶青羶

正月二十八日避難至海陵從先流寓兄弟之
招仍邂逅馮元禮故人二首之一

百困身猶在，疋羸怯鏡看。
干戈朝食拙，風雨夜眠難。
天際旄頭遠，淮南春首寒。
病夫藥裏外，兄弟為謀安。

秋雨復將害稼

頗怪秋頻雨，兼疑暑頓涼。
歲方祈有馭，夢豈誤無羊。
敢與朝廷議，唯觀宇宙康。
由來誇上瑞，不必頌芝房。
廢圃餘荒徑，扶筇獨往來。
未愁風脫葉，生怕雨添苔。
得與民心樂，何妨笑口開。
神龍應念我，落日首重回。

秋雨旬日偶成

積雨斷行迹滿門秋草深老禾眠水底野菌出墻陰懶
負讀書眼閒多憂國心夜長幽夢短清耳聽蟲吟

宿上方院禱晴

鵲為晚晴喜山如秋夜涼蟬聲起竽瑟雲影散牛羊神
理應難昧民憂得自康平生蔬笋腹不厭宿僧房

丁未仲夏海陵官舍家大人賞月作詩恭和元

韻

官署成鄉社人圓月正圓清歡閒裏共真樂酒中全興

到因懷舊詩成擬問天芳樽幸長照後會敢遷延

伊川先生祠詩

平生子程子此地有精廬隱几江聲在當窓林影疎百年心未死再拜意何如可忍蹉跎老長慚案上書

早秋獨出初行邑西湖

雙湖帶山郭三歲甫來過獵獵葭蘆老飛飛鴻鴈多晨暉明野樹晚思渺煙波懷我孤山下歸歟具一蓑

挽吳給事節

人物中興後猗公一世雄虹蜺輝霽景山岳鎮顏風用
舍闢輕重聲名擅始終堂堂今日盡海宇盡哀恫
早歲規模大中年出處明兩朝高獻納六郡凜威名雖
作收身去終餘報國誠秣陵天下計惆悵此時情

里社湖山勝歸休十四年千鍾窮燕賞雙劍去聯翩家
有遺經盛名今太史傳欺心儻容髮天豈許公全
與世栽桃李身閒意不衰涓塵猶獎錄尺寸各扶持永
恨登門約空傳墮淚碑微生渺何極不敢負公知

送司馬尊古赴平江戶掾

文獻傳家舊功名發軔初榮華動行色珍重別吾廬老
醜渾無賴殷勤獨未疎西來多雁字數寄一行書

挽石應之提刑

天姥千年秀西京萬石孫蟬聯書雁塔鼎盛說龍門奮
建光前躅封胡藹後昆寢門今日淚悽斷不堪論
芹泮青燈夜山亭皂蓋春重更雙使節總為兩淮民德
意人人浹工夫事事新帝城車馬外纔此寄經綸

甫聽祥琴御端瞻瑞節榮許朝丹闕去指奉板輿行松
柳餘哀切膏肓一夢成意長身未老何事了平生

昨歲吳門信勤勤慰我窮歸來愁未慙相望渺難同契
闊今三歎交游併一空哀哀蓋棺了餘論若為公

見巖桂有感

苦被天香惱璵璠又一枝年年秋好處故故月明時勝
絕何妨晚淒涼却自宜客愁添白髮辜負小山期

哭東萊呂先生

慟哭斯文禍蒼茫可問天百年曾未半千載忍無傳梁
木誰扶厦狂瀾莫障川吞聲言不忍有淚徹重泉
往歲風雲接重霄日月開奏篇聞歎息造膝諭圖回延
閣初優病鋒車又趣來恭惟天子聖殄瘁豈無哀

文獻承家大規模與世公典刑身任重權度我時中六
合清淳氣諸儒輔翼功生賢竟何意霜電隕春風

蟠際函三極精微破一毫百川滄海受五嶽衆山高退
託初何有聲名肯自豪誰人傷日月用力爾徒勞

昨歲荊州訃江流恨未平天乎令後學今又哭先生剝
落真如此扶持豈易成河汾遺禮樂誰慰九原情
鏡曲重攜杖京都再及門詩書窺梗槩耳目竟煩昏怡
悵身何極蹉跎意獨存長途風雨晦十駕蹇追奔

哭亡友胡達材

少日徐卿子他年董相孫斂藏神氣重進止德容尊人
物當今歎風流雅望存拊棺疑不死誰與賦招魂

味薄身無累心平理自長公卿知叔度州里敬元方璞

玉須瑚璉春風便雪霜重言吾不忍天地日蒼茫

匹馬勞山縣風霜度十旬能令萬人活不計百年身事

業秋毫盡聲華白日淪之人纔筦庫誰獨上麒麟

嗟我論交重相知照膽明十年離合地今日死生情驚
定心猶碎悲來淚獨傾絕憐江上夢一一話生平

讀程子易傳

事業潛三聖文章似六經微言歸易簡精意極丁寧道
在非疇昔人亡故典刑齋心對薰几秋月夢初醒

挽曾仲躬侍郎之室秦國太夫人馮氏

數近期願壽尊封大國秦三從皆鼎食九族盡朝紳
神劒須重合蟠桃不再春只今彤史載備福更何人

送外姪莫幼明還里療疾

愛子天資靜能來讀我書積痼無自苦小別未云疎
外物人難必良師古有餘吳松春萬頃一覽意何如

挽王季海丞相

原註代人作

聖世持盈計慈皇閱士十多年深注倚一德妙中和日

月長循軌邊疆竟息戈到今清淨化彷彿漢民歌

海量真無滿天和得大全朝儀覲麟鳳仙骨稱貂蟬分
陝初聊爾騎箕遂窅然平生融洩樂端不捨黃泉

舊託通家子容干相國尊身猶安燕幕心每繫龍門赤
烏三年去清朝百度存瀟峰天柱折一慟豈私恩

不寐

向夕起秋思無眠知夜長年華一俛仰人事幾炎涼自
喜全虛白何妨兀老蒼空庭風露入唧唧話蛩蛩

挽李資政

原註代人作

自我交賢子逢人重此翁一門傳義槩奕世積陰功丘
壑身無恨詩書道不窮定知編太史高揜漢于公

送趙仲禮入朝為大理寺簿

決科邁入幕更秩遂登朝龍化無重浪鵬搏即九霄仙
凡端有命天壤一何遼願踵門庭盛勲庸日月昭
綵服慈顏喜綸音寵渥新教忠當事主顧養苦思親杭
葦東西近郵筒早晚頻宗公天下鎮眉壽保千春

忠孝吾根柢功名古緒餘月雲無染著鏡象本空虛不
必相同異何妨小濶疎達庵今宦達味此意何如

挽曾原伯大卿

世豈無全德今猶見古人大圭非刻畫天醴自清醇未
說功名地猶令宇宙春蒼茫何處覓丹素豈精神

羣獻餘端緒中原故典刑風霜催短日河漢獨晨星悽
惻丹心在蕭條世路丁天高那可問揮淚濕青冥

天下張廷尉君王付老成不辭勞日夜初豈為恩榮竹

隱今年志萱堂晚歲情全歸雖不恨此段渺難平
夙昔吾何幸龍門獲御公青燈鳴夜雨白髮對春風契
闊今安訪蹉跎媿所蒙源流千古意鉛槧若為功

送胡壻晉遠赴義烏丞

送子官何許稽城十舍間清心向松竹洗眼更湖山學
問駒千里功名豹一斑明年經鄭驛助我悅慈顏

贈分水奚令

分手橋門外風塵二十年相逢非偶爾話舊各依然飲

啄寧無地窮通故有天文書有餘力心事約加鞭

贈淳安趙令

吳越風聲近邾滕壤地鄰頻書期面語一見劇情親我
本江海士君真臺閣人莫忘今夕話努力壽斯民

挽潘德夫左司

家聲高內史國望凜氷翁生長聖門學周旋前輩風人
才須用舊士論雅期公不見朝宣室秋山闕一宮

綜理何精密胷中故坦然愛民真為國事世不欺天霜

氣星臺表春風竹馬前湘江盡南海遺績尚千年

愛士風流古繙書氣味長詩家入陶謝書法到顏楊竹
石故無恙人琴今則亡二龍天下秀一一看增光

結髮欽前輩風流日渺然從今我隣邑不見此癯仙攬
轡范清詔分符黃潁川江湖終白首那得盡公賢

湖海歸來近山林興故長勇辭黃閣掾却上白雲鄉繚
緲書樓壯淒涼筆冢荒家聲傳二妙公死未應亡

憶侍吾兄側初瞻父友尊爾來親燕几長復痛鵲原山

立儀刑重春回笑語溫古今真共盡淚下欲何言

挽趙子固左司

只道功名晚居然寵數蕃偏令淮楚地屢覩鉞旄尊身
隔公卿議民私父母恩東關往來處腸斷不堪論
曾上郎官直中辭宰掾高丹衷耿天日外物等絲毫內
養神方壯前知數莫逃阜陵人物舊江漢日滔滔
每歎公知我垂恩及父兄逢人說名姓會面寫平生近
別無雙鯉傷懷忽九京翟公門下客誓不負交情

挽楊子美侍郎

游刃刀無缺韜光玉自溫
世途猶砥柱士論亦龍門
仁者宜三壽天乎遽九原
老成周雅歎此事更誰論

榮祿連三紀賢勞匝四方
風煙鬢蒼白道路馬元黃
不是論思晚終然疾病妨
誰書循吏傳處處有甘棠

萬里鵬纔息千年鶴近歸
光榮人所羨閒樂意終違
碧海沉佳氣空山送落暉
翟公生死塚兩淚獨沾衣

高南仲自雲間歸退軒蓋明府以四詩送之末

章專以見及南仲索和遂次其韻蓋君德常侍
郎之子也

麗澤存相益和羹忌苟同別懷長耿耿見日苦匆匆經
派懲燕說詞源味國風平生子陳子一瓣記南豐

鵬鷖逍遙意鳩鷹變化時物生良自足天命本無私戚
戚真何事平平亦大奇相逢一笑粲無語自心知

清鏡朝容減寒燈夜影孤身曾諳作客情亦念攜孥寶
劍千金重晴虹萬丈舒功名生感慨有路莫辭迂

少日諸公後流年兩鬢斑世情春水泮行路太行艱何計分珠履空懷對玉山風期知不淺逸駕恐難攀

挽樓文昌母安康太夫人汪氏

中外三孤貴康寧百歲期榮於列女傳美矣二南詩蟬蛻無餘戀龍淵有合時十經湯沐賜風木更須悲

積慶源流遠娠賢社稷光斯文今北斗舉代一文昌象服山河壽斑衣日月長生芻此時事四海為悲涼

挽趙泰州母劉夫人

玉葉宜家舊金花錫命稠修齡開九秩榮養指三州足
矣真無戀脩然去不留板輿行樂地蕭瑟桂花秋

送胡堦晉遠赴嘉興酒官

逃暑吾無地將家子在塗隨宜簡人事莫久住行都最
肯加食否剛能卻酒無功名殊未晚愛惜萬金軀

名世非科目傳家豈搢紳紛紛一炊夢鼎鼎百年身看
取無窮事何如不朽人侯翁雖齟齬此話故情親

挽南康冷知軍

禮樂三千字聲名五十秋
士元纔展驥李廣不封侯
香火猶彊健笙歌足燕休
如何早仙去寒日慘山丘

近託龍門御欽聞月旦評
感公非輩行見我若平生
杖屨已陳迹山川空復情
堦庭森玉樹端不負留耕

原注
堂名

挽南安錢知軍佖

風雅猶家學精明獨吏師
與人無畛域於道不磷緇
天理終堪信鄉評久更思
見公雖已晚慟哭為相知

別我南江去風帆半夜開
苦無為郡樂已復蓋棺回
契

閨空三歎凋零併一哀遙知泣遺愛愁殺嶺頭梅

悼趙提幹

原注代人作

偉岸佳公子功名早自強力臻門戶立學務本源長命
服空遺像斑衣負北堂增輝賴金友筆墨妙揄揚
一第規模勝雙樓氣象高生涯輕阿堵來往屬吾曹落
落心非淺冥冥數莫逃含悽想平昔不忍過江臯

悼畢進士

原注代人作

磨勵燈前志瀾翻筆底春果題新進士歸悅太夫人更

值千金產懸需五鼎珍茫茫竟何往一念忍忘親

挽樓嚴州

原注代人作

天與才難似家傳學更優著鞭心汗馬游刃目無牛奏
語聞三歎論功僅一州人才苦牢落那不使公留

昨歲桐江去羣公盛祖筵安輿皆鶴髮綵服正蟬聯回
首那為此傷心可問天萱堂留仲博猶足慰黃泉

挽趙泰州善忱

唾拾儒科早階升命秩尊斑衣娛壽暈綺席稱名園五

馬催三駕千秋閉九原春風破山路松栢慘何言

送德安王休司戶

相逢何必早傾蓋已知心璞玉渾金質高山流水音
眼中江漢闊別後雪雲深莫作窮途歎功名始自今

挽松陽楊秉修處士

飽說楊居士沉浮楚越間高懷渺雲海健句壓江山
晚還家樂生平滿意閒合存耆舊傳百世表鄉關

挽陸景淵主簿

世道懸千載書生困一科看君榮落際重我感傷多斜
日能鏖戰春風得凱歌平生一主簿慟哭閉南柯

輩行吾雖晚交情久最親湖山追勝賞棋酒過比隣滿
眼思羣彥傷懷已二人君今復何往不忍夢音塵

儒學咸相詬君賢不易逢談經棄燕說閱士似蟻封涇
渭流無雜芝蘭氣自醲百年雖有死我輩故情鍾

兒女今何似門闌想寂然哀哀未白髮莽莽就黃泉淮
浦西風外雲溪宰木邊緘辭致千里雨淚不能漣

秋日書懷

宦情都漠漠愁思正悠悠黃葉白蘋渚清風明月樓歸
歟想彭澤老矣欠菟裘行止君休問吾生不繫舟

送劉蘇州誠之帥夔門

卧轍違吳會開帆指蜀門江關自奇險節制故雄尊一
吐遐方氣勤宣聖主恩歸來對宣室獻納佇司存

了了八陣磧巍巍三峽堂竹枝歌感慨麴米醉淋浪今
古英雄思風流翰墨場公行秋水落穩穩上瞿唐

于彞甫用許右丞別黃巖韻見寄亦用韻答之
世道從來久襟期我輩知躊躇遂初賦歎息考槃詩歌
斷尊長破心存鼓未衰江湖秋葉外千里更愁思

答陳子序庠見貽

論功畏蠅虎作計只蝸牛松菊招元亮江湖要子牟
閒須杯問月愁不賦登樓從此相尋地羊裘一釣舟
汨沒知何事摧頽欲暮年劒鳴長自匣琴弄更須絃落
落心元在星星髮可憐與君三歎息不忍話前賢

可人無俗韻之子故清門直節豫章後高名唯室孫早
知文律令還要學根原逆旅能頻過何妨坐達昏

挽王知復書監

五世衣冠盛吾鄉識故家渥洼駒有種和氏璧無瑕了
縣真談笑還朝看咄嗟天乎那可料丹旆出京華

飛橋壯吾邑虹影麗高深義不煩千室功無措萬金美
哉承考意偉矣濟時心此段無窮盡江聲共古今

公子三槐族貧交五柳門鄉閭雖不數書劄屢相溫前

輩風流遠時情勢利尊哀哀埋玉樹此意復誰論

小兒阿開周晬憶之有作

愛子人情共吾兒亦所憐精神如欲可門戶儻能傳歸
去隔千里生來正一年遙知晬盤側王母意歡然

挽李中甫使君

赫赫中興佐英風想大門得交人物懿喜見典刑存拱
立嚴諸父躬行表後昆世家今萬石一代合推尊

圭玉身無玷春風物自熙學非隨俗尚心故有天知里

社成鄒魯交游不惠夷思君兼衆美凋落使人悲
發軔期行志鳴琴最得民淵魚何用察桑雉本來馴可
歎雙旌暮猶歌五袴新誰為良吏傳吾欲表斯文
書卷平生事篝燈靜夜分韶鈞奏韓柳黼黻補卿雲不
鄙頻揮麈曾窺一運斤詞人嗟不遇地下早修文

少日論心密中年會面艱相逢愈青眼太息各蒼顏離
合窮通裏悲歡夢寐間蒙園歲寒約秋草泣空山

憶奉先人寔深勤長者車哀辭推傑作虞主為佳書今

日君仙去秋陰我病餘莫酬三施重緘淚洒幽墟

和答張衡仲

志畧周公瑾才名陸敬輿可憐空老大不敢問何如松
菊閒吟外風波噩夢餘諸公自臺省吾復愛吾廬

我方開竹徑公肯屈籃輿別去夢猶見詩來錦不如乾
坤愁思裏風月醉眠餘會卜溪橋畔鄰牆小結廬

送司馬大亨赴遂昌宰

蒲壁邦家重蒼山道路深剗裁知唾手拊字勉勞心通

鑑家傳學迂書坐右箴故人情誼重贈別比南金

清涼寺


勝絕清涼寺低迷德慶堂
崇阿納遐景遺蹟想前王
豪傑兵戈後風流翰墨場
憑欄意何極歸鳥度斜陽

挽司馬季若知郡

前日巴東守中朝涑水家
風規踵清白牘奏述忠嘉
鼎鼎名逾重堂堂髮未華
如何空壘組不見海陵瓜

渠護猶前輩襟懷更古風
子孫娛謝傳賓客愛山公
喬

木千年思晨星一瞬空
彬彬看祠事盛德世無窮
越絕粉榆社吳陵松竹間
相親逾骨肉每見豁心顏
契闊今生死蕭條舊往還
春風數行淚吹度鏡湖山



欽定四庫全書

集部

燭湖集卷十七

詳校官庶吉士

臣

吳

烜

主事

臣

呂雲棟

覆勘

膳錄監生

臣

溫廷鑑

欽定四庫全書

燭湖集卷十七

宋 孫應時 撰

五言律詩

送虞仲房赴潼川漕

夙昔青雲上誰令鬢髮蒼
家聲唐祕監墨妙漢中郎
牢落山林久間關道路長
西風足清嘯幾日上瞿唐

保障平時計遐民力未寬
梓潼將漕險廊廟擇才難
江水東流急泰山北顧寒
平沙八陣在倚劒夕陽看

小隱橫溪勝青山照眼高芝蘭春滿座風雨醉揮毫苦
恨登門晚深慚倒屣勞公歸佩荷橐肯問及蓬蒿

又寄潼川漕仲房

巴蜀勞庸使溪山隔歲華一身知許國萬里豈忘家臘
雪裝歸轡春風閱禁花君王定前席不必賦長沙

郡縣仍荒政朝廷念遠方向來傳詔札不獨戒戎羌帝
德乾坤大天聰日月光邊防須至計社稷倚安疆

鴻鴈天涯到雲泥未闊疎漢卿來子墨秦殿識中書欲

作遼東獻空慙楚地餘寒蟲吟露草此意合憐渠

原注
虞惠

筆
墨

和諸葛行之

相看各華髮舊學更何疑世事幾反覆人生半別離忍
窮真有味知命欲誰欺我學陶元亮君師榮啟期

和答陳傅朋

羈愁閱寒暑歸夢耿晨昏本意營三黜何如老一村齒
牙從世議頂踵尚君恩多謝知心友相過得細論

別來如一日話著又三冬信斷悲鱗羽情親憶駟蛩非
君詩律妙奈我客愁濃嘆息青雲器誰能識仲容

邵武李公晦方子佳士也以其祖澹軒先生呂
之行實挽詩見示為作八句

海內非無士南中更有公一門嚴禮範十世篤儒風不
遇心何媿雖亡道未窮芝蘭今鼎盛天必報陰功

送張清叔主簿

客路雖萍梗心交真弟兄懸知有時別何忍獨先行綵

服黃花酒青雲白玉京寒蟬正淒切回首得忘情

悼周堯夫

勇義千鈞力虛懷萬物容材名稱遠大俊傑靄遊從許
可皆諸老升聞到九重惜哉言與位大厦折喬松

傾耳鄉評舊登門恨末繇公今成夢覺人共泣川流剡
水陰功遠山堂勝具留喜觀雙玉樹接武在英遊

挽諸葛壽之

幼學蒙題品童心託弟兄過從十年足悃款一家情無

力寬貧病傳書隔死生西風吹客淚萬里寸心明
人物殊高朗交遊見直溫蠅頭深故帙麈尾富名言
不儀多士猶令重一門若耶溪上月空復閉山村
命矣三年病天乎百歲期尸饗猶有母傳業更無兒
便作平生盡空多國士知增光在金友人得記墳麓

挽莫子晉丈

我里談耆舊高門二百年衣冠新族緒龜筴故山川
家以儒相勵公於志獨堅九原疑不瞑諸子更加鞭

少日從諸老丁年重一鄉
塤麓鳴正樂蘭玉秀成行
坐客多匡鼎途人說鄭莊
哀哀晚何事衰病訖淒涼

吾父古君子公家賢主人
一門常旅拜三世極情親
遺事今誰問知心莫重陳
上林烟草綠千里倍傷神

挽胡子瑞

耆舊長庚月斯人馬少游
平生自繩尺方寸不戈矛
細巾箱字琅琅燈火秋子
孫森滿眼賁志可無酬

三十年間事論交踵父兄
叩門時下榻話舊各傷情
我

亦華雙鬢君仍隔九京滯留違一慟腸斷暮雲橫

挽葉無咎

詩酒平生事風流六十翁詞人尋鄭老坐客愛車公已
惜漳濱卧那堪冀北空交情不論晚為子泣西風

偃室多賓客周南隔歲年我窮甘悄悄君義獨悁悁病
著心何壯書來墨尚鮮含桃餉時節一念一悽然

原注
君病

中以含
桃餉我

挽先兄外舅施文子支使

天質全渾厚鄉評獨老成箕裘三葉盛椿桂一時榮
賓席疑年少官曹歎眼明歸來江路永那忍望銘旌

憶我元方在欽公彥輔賢艱難時欸曲孤寡共悲憐
契闊湖南幕吁嗟絳縣年杜門違一慟緘淚五雲邊

挽沈雲夫

我昔垂髫日君來學雪齋寧知重骨肉借作老生涯
喜劇相過密驚吁一病乖平生此長別兩淚獨傷懷

寄通州徐居厚使君

珍重通州守凝香足燕清海風喧夜永江日盪春明未
廢青燈讀應添白髮生長沙休賦鵬歸作漢公卿

久已安時論狂因歎史才及知前輩少誰說過江來日

月閒難得星霜老易催陽秋百年事作意莫遲回

原注
徐善

談近世事
有意著史

哭沈叔晦墓

宿草遂如許吾誰作九原堂堂那有此凜凜尚能存日
落松風迥天清霜氣暄百年知己淚洒盡欲何言

用韻戲簡叔

平生習主薄涇渭極分明學道深忘味能詩新有聲奕
寧論勝負琴不計虧成獨怕春宵鴈南來動別情

早行

畏暑裝行早江村雞未鳴林廬相遠近河漢正縱橫思
眇關山迥心依斗極明小橋聊駐馬流水有佳聲

入棧

棧險名天下吾行信所聞落虹橫絕壁匹馬上浮雲咫尺

尺南北斷毫釐生死分誰令鍾鄧輩十萬度秦軍

客思

竟作西江去其如客思何無情秋色老不盡楚山多且
賦南蠻句休懷下里歌平生一柱觀明日得經過

八陣磧詩

江近瞿唐急沙從魚腹橫千秋應有恨八陣竟難平望
斷青煙晚愁邊白鳥明身微定何補且復老躬耕

寄詠東屯

聞說東屯勝詩仙有舊遊茅齋深翠竹石徑俯寒流几
杖千山月鉏犁百頃秋歸途客酹酒句法儻堪求

和共父游青羊宮二首

野興偶所愜勝遊聊一尋雙臺隱空曲萬竹護清深嵐
翠明巾屨風香度笑吟端能重載酒盡日聽鳴琴

訪古未云已會心良獨多猶應趁風月從此徧岷峨萬
里澹秋色一江明暮波他年問魚鳥能復記相過

出成都西郊

笑指西山去縈紆傍水行寒灘瀉清淺古木映疎明雪
意垂垂合川光莽莽平暫將塵事隔已復動詩情

自益昌為武興之行

獨客行愈遠此兒真自痴江流浩呼洶棧路凜敬危好
鳥迎人處涼風拂面時山頭破茅驛索筆又題詩

益昌僧寺靜境軒

落照久未夕斷雲低不飛孤舟上水急歸鳥度山微蕭
颯天涯鬢淋浪醉後衣憑欄一笑去客夢轉頭非

武擔山

北上武擔寺南臨蜀錦園
風煙帶城郭禾黍半江村
今古本同夢廢興那復論
惟應一坡竹可共洗心言
小飲不成醉清談多所欣
秋聲搖落日野色亂寒雲
心事長千載腰圍更幾分
西風叢桂發倚檻得相聞

武擔西臺和師文作

西臺在何許秋草暮雲間
十畝有餘竹一窗無數山
望遠足離思憂時多苦顏
相看終惜醉更挈酒餅還

武擔山感事

歸心極江海秋夢著丘園鷗鷺白蘋渚牛羊黃葉村古
人真已遠世事渺難論想見陶元亮觴來不得言

客裏愁如積朝來意亦欣鳴階無宿雨度隙有歸雲且
免泥盈尺猶祈歲十分中原念淮浙不忍話傳聞

身不入蓮社意非同漆園間來閱風物歸去老山村氣
味故相許淵源須細論燈前秋夜永未可付忘言

襟懷能坦坦色笑更欣欣似道黃叔度草玄揚子雲歸

舟真已具別袂不能分歲月愁邊鴈飛鳴報客聞

冷副端招西郊賞櫻桃

喜趁林泉約來同櫻筍厨綠陰濃欲滴高竹靜相扶山
晚月先上人歸鳥自呼不辭拚一醉此會兩年無

新灘見桃杏書事

今晨明客眼桃杏照江紅鳥哢蒼山曲人聲翠竹中獨
遊空遠思一笑負春風便想荊州道簪花醉渚宮

萬景樓三首用韵

鼎鼎三江水，峒峒百尺樓。
雲山接南詔，風景冠西州。
徙倚乾坤大，徘徊歲月流。
明朝悵回首，湖海一歸舟。

德潤連城璧，文工五鳳樓。
不愁來蜀徼，政喜識荊州。
世久欺儒素，人當問品流。
平生郭有道，得共李公舟。
阮籍少青眼，元龍思卧樓。
與君非俗士，為我望神州。
明月不可問，長江空自流。
悠悠復何道，行止一虛舟。

自東屯夜還舟中

白帝水雲暗，東屯燈火歸。
春泥慳弊屐，山雨濕征衣。
遠

後諒難踐勝情那得違闕城吏相笑癡絕似君稀

舟宿莫城

澤國寒初重霜天晚自溫孤舟一杯酒斜月數家村美
睡聊相補勞生得更論燭湖疑在眼燈火閉柴門

阻風泊歸舟游淨衆寺

日落風更起江頭船不行淒涼大夫宅蕭瑟故王城一
醉重樓晚千秋萬古情愁邊動寒角夜久意難平

道中寄同舍

風聲捲蘆竹雪意滿江天水落石可數沙寒鷗自眠回
頭渺城郭留眼寄山川老去重來否吟餘一惘然
山色忽相送江流不作聲別懷初酒醒病骨更寒侵一
笑已昨夢百年明此心故人應念我數肯寄嘉音

寄李允蹈

相遇吳陵日如登單父臺了知心尚在不忍首重回明
月人千里春風酒一杯緘詩憑驛使持當嶺頭梅

舟中晚思

山郡寒仍少江村晚易昏梅花渾雪色樹影半雲根遠
役竟何事壯懷誰與論布帆無恙在長嘯下荆門

寄王明叔提幹

萬里錦官城經年託友生笑談元不數心迹故難并別
酒梅花粲追途江月明書來猶繾綣三歎故人情
我去日以遠君留誰與居難忘疇昔意故有聖賢書窗
几深瀟洒塵埃痛掃除入官紛萬事濠上有游魚

三月八日挈家赴官常熟

又別吾廬去從今復幾回
宦情真漫爾世路亦悠哉
事業魚千里文章水一杯
公田定難必早擬賦歸來

九日偕同寮至破山還飲誓清亭是日早雨尋

霽自余至官三見菊花節常會於誓清因成二

詩志之

佳節強人意清樽洗俗愁
乍收桐葉雨放出菊花秋
眼底山川勝吟邊草樹幽
西風還正帽一笑憶荊州

九日仍良宴三年記此亭
寒花還粲粲衰鬢轉星星
薄

宦驚離合浮生任醉醒明年應話我千里越山青

送別舜卿少府

官似南昌隱人傳東野詩才優解牛刀筆妙畫沙錐談
笑千人敵飛騰萬里期大門香一炷他日看揚眉

人道琴川上年來聚德星端能幾日月已復散雲萍老
我頭先白期君眼最青時能遣佳句千里慰林垌

送蘇贊府梵滿秩

今日崔斯立先門蘓少公九流清似鏡一坐凜生風傾

蓋難為別揮毫記所蒙琳琅誰具薦早獻大明宮

寄孫正字

萬里來還去能忘問啓居休尋弔湘賦早就過江書身

健何妨晚名高勿苦疎房湖風雨榻獨夜意何如

原注
季章

守漢
州

春日書事

老與春無分慵於世轉疎不陪年少飲久絕故人書筆

研蛛絲底家山蝶夢餘海棠花正發風雨定何如

新毘陵守王立之書來以詩荅之蜀中同寮也
俯仰三年夢差池萬里歸雙魚蒙記憶五馬慶光輝且
說還家樂休論與世違平生歲寒約搔首重依依

和荅周次山送行

衡宇歸來後銚儲不願餘興公遂初賦叔夜絕交書已
怯傷弓翼猶歡涸轍魚春風到蘭室隱几正如如

我失從君別君應話我歸親年渾鶴髮家具只牛衣耳
不關時論心知悟昨非晨羞何所欠菜甲雨新肥

籍甚多聞友非徒一字師可人徐孺子愛客鄭當時苦
意頻攜酒相過共話詩瓊瑤何日報松竹歲寒期

挽徐居厚寺簿

海內標元禮毫端跨子長學如開武庫材可壯明堂憂
患雙蓬鬢功名一郡章汗青須好傳公死未應亡

始見偏何晚新知不太深書來渾一束情厚有兼金悄
悄中宵別哀哀萬古心有懷終掛劍雪涕獨難禁

挽周南夫寺簿

越絕佳巖壑由來說剡中風流應未遠人物正推公遽
作辰龍夢真疑冀馬空慶源端有屬列戟看西東

袖手何淹久神情愈澹然琴書消永日齒髮任流年落
落平生事區區九寺聯時人空歎息寧足盡公賢

早歲儒風唱中年德望尊行藏真玉潔容色自春溫天
與清名賸人欽大雅存寥寥今孰繼積慶在于門

獄寺平反助儀曹簿正明嘉猷新入告天語重恩榮起
滯方如此論功百未成茫茫天理昧歎惜恨難平

挽方躬明運使

少學真山立中年久陸沉斗牛光淡蕩湖海氣雄深
晚節儲邊策平生許國心嗚呼死諸葛松柏坐蕭森
經濟書生意功名世路難三言能有虎一簣不成山
春雨淮田沃秋風楚塞單空餘公論在往事杳誰攀

挽錢仲耕運使

原註代
人作

樂易無畦畛寬平不細苛人才隨世狹時望獨公多
獻納開丹禁風神照紫荷誰令終遠外百歲轉蓬科

瀕海安鹽筴潢池息盜兵上常高計畫公不謂功名惻
怛憂民志驅馳報國情雙溪最遺愛歌頌未收聲

族廩規模大鄉評德義尊家傳忠孝舊國賴典刑存蜀
不登三壽嗟誰起九原晚生長自恨早失拜龍門

挽沈叔晦國錄

人物今能幾公才誰不如時情容見嫉天意亦成虛千
載格心學平生流涕書一言終不吐寒日閉幽墟

庭諍汲長孺官師蕭望之士能令國重吾意匪公誰朱

紱江湖遠蒼顏疾病衰堂堂竟如此造物爾胡為
請益從公久忘年愛我深龍阿星斗氣梅竹雪霜心回
首南湖侶傷懷流水音九原那可作千里坐悲吟

挽劉宣義

歎息經綸策山林棄此翁獨餘平日事全見古人風蘭
玉家庭美詩書歲晚功閭門他日過人說漢于公

令子論交重三年為此來儀容親几杖笑語侍尊罍今
日臨歸路傷心哭夜臺善人常罕見寧獨為公哀

挽應宣義

書史平生好山林歲晚心逸才逢世偶清譽服人深有
子能攀桂傳家匪遺金佳城合雙劍松柏舊蕭森

五言長律

上皇八十慶壽赦書至海陵敬成三十二韻

禹跡乾坤舊堯天日月新龍躔臨丙午鳳歷首庚辰卦
直三陽泰時通萬物屯暖音鳴嶰律淑氣鼓鴻鈞奕葉
炎精旺重光帝位真昌期周一紀正統接千春盛事當

今最閔休受命申慈皇躋八秩天子壽雙親寶冊尊名
衍璇霄慶典陳昕朝移警蹕法仗翼簪紳晴日明黃道
和風度紫宸歡聲擁都市喜色動君臣陛戟三呼迥簫
韶九奏均玉卮前肅穆天語聽溫淳拜舞班行退郵傳
詔令諄豐章加等列曠澤浹兵民三殿承顏邃重孫奉
酒頻歡娛留晷景跪起用家人禮樂清都表輝華率土
濱儀刑知子職命賜侈君仁即事論今昔儲祥軼混淪
陶姚非與子文武尚臣辛笑樂徒夸漢規為陋襲秦大

安慙養志西內益傷神孰與深慈孝昭哉絕配隣內朝
兼燕喜視膳極常珍家法長忠厚淵衷愈畏寅廟郊歆
悅豫宗社鞏持循世已歌天保皇應感召旻百年餘盛
弊一日待經綸讎敵終禽馘神州復廣輪莫留毫髮恨
作頌勒堅珉

送朱仲微使君赴闕

聲迹周行舊人門漢相延謝宗康樂在阮姪仲容賢文
獻羣公側風流晚輩先天資超瑒玉心量極澄淵世故

雖遊必榮途獨緩鞭風霜飽經歷歲月起聯翩奏牘留
天聽鳴鑣拜日邊一麾紆郡組兩地冠淮壖巢塢江湖
會吳陵海澤偏陽公優撫字山甫重蕃宣秋月滄浪底
春風草木前近名辭赫赫直道守平平襦袴歌千里絲
綸錫九天別帆催入覲祖席歎登仙詳試諳馮翊深褒
屬潁川徑須持紫橐應不墜青氊世道千齡遠人情百
慮牽關心眷河雒努力補陶甄宴迹來蓬簞微芳託蕙
荃一枝容吏隱三鬴慰親年借寇知難請依劉敢自憐

鑪錘思舊物倘問及林泉

挽汪克之給事母程夫人

黥水衣冠盛汪程甲一州世賢鍾上壽家範襲芳休
右府尊章重嬪閨法度修蘋蘩祇祀事粉堊媚有羞勤約
饒經理慈祥徧撫柔齊眉友琴瑟斷織戒箕裘郝桂遇
輝赫潘輿飽宦游金章嚴侍膝綵服稱遨頭疊嶂雙溪
曉千巖萬壑秋平反間笑語燕喜溢歌謳九秩童顏在
三朝寵渥稠一毫寧復憾五福更誰儔鸞影合塵鑑龍

藏樂故丘高門餘善慶袞袞正公侯

趙仲禮示達菴唱酬次韻

旭日羣陰豁春陽萬壑融八荒雙眼界千聖一家風不
必尋玄妙寧須泥苦空本來無見解何處覓神通穀粟
饑為藥雷霆聽或聾鳶魚均自適虎鼠竟誰雄軒冕因
時貴簞瓢有命窮詩書休發冢談笑任闢弓陶令琴三
弄徐公酒一中浮雲容易改明月古今同上達真無累
纖瑕早自攻論心逢益友刮目慶新功臺閣須公子山

林付老翁歲寒尋此話一笑燭湖東

陪戎州范守閻倅飲涪翁溪紀事

元祐人何負黃郎昔此居江山愁思裏風景醉吟餘問
俗夸遺事開荒想舊廬巖姿自奇怪谷響故清虛鳥語
傳沽酒猿吟憶荷鋤文章喧宇宙談笑狎樵漁小德長
攜杖元明闕寄書生涯竟流落謗譽久乘除士固難逃
世天寧獨困渠朝廷重日月河雒痛丘墟事往真云已
神遊信所於溪名雖發越林影尚蕭疎佳致歸商畧成

規易補苴春堤要楊柳夏渚待芙蓉名勝新開府風流
得貳車追遊方自此雅尚不愁予天際歸舟遠江干慘
袂初明年記狂客萬里報何如

祐姪初赴鄉舉吾家讀書三世至此姪纔七人
作十八韵誨之

家學今三世儒流甫七人生涯元窶悴存沒幾酸辛父
幹真吾責孫枝見汝新提攜從總丱成長及冠巾幸有
源流正應先器質醇緒餘雖耳染緣飾匪天真黃卷心

懷古青燈坐達晨定無錢使鬼當見筆如神科目誠沿襲朝家重選掄桂分清夜月花趁曲江春此日雲霄路他年柱石臣成功期濟世私喜固榮親俗薄堪長笑才輕不自珍胷肱誇小技屑窳較微塵努力初濡翰馳心謹問津利名卑汲汲教誨實諄諄莫濫齊庭吹空慙越里顰裁詩不盡意持付合書紳

--	--	--	--	--	--	--	--

欽定四庫全書

燭湖集卷十八

宋 孫應時 撰

七言律詩

恭和家大人鬻田訓子詩韻

凶年滿目竈無烟
糴貴家貧且鬻田
雖暫憂饑茅屋下
終期射策玉墀前
文辭華實宜撐腹
際運窮通一任天
有志會須能卒事
豈令久困握空拳

二月二十五日同趙景孟胡晉遠遊四明山詩

乍晴天宇瑩無塵短策輕衫發興新過鳥一聲如勸客
青山萬疊總迎人回頭便與氛埃隔入眼真於水石親
盡意登臨休計日此行端不負芳春

仗錫山

萬杉夾道磴千盤巖水溪風徹骨寒坐久雲煙過庭角
睡餘星斗轉闌干登臨不盡山川險景物無窮世界寬
會得人生安樂法不須禪板與蒲團

和景孟宿山中

倦行白雨翠雲中投宿禪房聽曉鐘彈壓山川詩未老
畱連巖壑興何濃回看塵世頻三歎上徹天關更幾重
徑欲乘風此仙去時時笙鶴下前峯

登仙木

劉樊蟬蛻此登仙老木當年已插天玉骨半枯猶秀潤
蒼皮新長已榮鮮蟠桃時熟三千歲銅狄重摩五百年
化鶴未歸山寂寂徘徊誰與問因緣

和景孟山行

翛然身在妙高峯下有雷霆走白龍已覺仙風換肌骨
更無塵土到心胷悠悠今古三千劫莽莽山川幾萬重
雲北雲南一長嘯為畱餘響振巖松

雪竇妙高峯詩

絕壑高崖面面雄一峯孤起白雲中山連飛瀑斜通寺
人在危亭半倚空把酒登臨非易得題詩摹寫最難工
誰知妙意無窮盡都在幽人一笛風

尉黃巖任滿家大人先歸作詩以示恭次元韻

瓜熟青門好去官此身如繫欲行難望隨鴻鴈春風北
夢繞庭闈夜月寒即是抱琴歸栗里未能騎馬向長安
蕭條甘旨應無計好在藜羹日厭餐

恭次家大人初抵海陵官舍元韻

扁舟祖餞出西陵千里經行小作程樽俎笑談多雅故
江湖霜日久清明只今斗室寒廳夜任聽回風急雪聲
天報雙親占後福絕交何畏孔方兄

灌園何必學於陵吾事胸中有準程三黜宦游甘寂寞

百年心迹定分明逍遙朱墨塵埃外娛戲文章金石聲
侍奉親闈有餘樂不慙宜弟更宜兄

風饕雪虐苦侵陵已免寒舟問水程葦屋虛簷交夜氣
邊城疎鼓逗天明囊空尚可充饑色官冷何妨遠市聲
且辦新篋供一笑竹君清絕對梅兄

仲兄生日家大人作詩恭次元韻

恭承弧矢射芳晨三紀風光又一春深喜團圞娛父母
何當合沓燕賓親百年好共成門戶千萬寧憂欠宅鄰

滿酌期兄增壯志相攜平步上星辰

邑人李子寬公綽以所著十說及論孟解相示
極有可敬而老且貧只一子又喪之遂為無告
之民復以詩見投覽之悽然贈以八句

少日胷中萬丈虹著書老尚有新功同鄉我惜知君晚
善士天胡賦此窮無槩去年悲孔鯉有家何地客梁鴻
秋風蕭瑟行吟裏應有中郎識囊桐

用韻贈李恭父

浮雲富貴適堪憐烈士襟期定不然拭目去為三島客
此心莫負九重天雖云小草容同味敢與昌陽較引年
下直如尋故人夢書來同我釣魚船

贈策選軍將張仲舉其父故居吾鄉與先君游
也

鐵馬橫戈三十秋天涯肯忘舊交遊看君材氣萬人敵
何日關河一戰收判把身心專報國不憂骨相晚封侯
尊前感動書生恨聽說當年下宿州

原注張從戰宿州其事甚詳

贈杜子真

軒然意氣決浮雲見子真堪辟楚氛未許坐馳能萬里
故應守約對三軍磨礪心事須經歷斟酌人情有見聞
且辦工夫成郢質可無老手為揮斤

送趙舜臣知溫州

閩嶺淮堧憶細侯更煩東作謝公州清規已出百城上
仁氣便銷千里愁好去綵衣娛壽筭歸來紫橐奉宸旒
馬前鴈蕩風煙裏幾許新詩答素秋

黃巖鄭瀛子仙弱冠入太學五上書論時事以
直聞於時老猶不衰客游海陵館於余一月乃
去作詩送之鄭方謀少官田故有章末之戲

分手三年不易逢一觴淮海酌西風書生君獨憂當世
末路人誰識此翁故國青山愁夜鶴孤舟白髮映秋蓬
歸歟束縛公車疏努力豚蹄祝歲豐

和答吳尉俞灝商卿見贈因用韻送行

去去瀛州蛻骨仙舊游還似九江傳塵埃下視三千界

文字勤追二百年宦達有時聊爾耳才難自古不其然
臨分更吐平生話有底閒愁到酒邊

送池子文

巾山秋思俯晴江樽酒懷人惜異邦千里誰能攜客枕
一燈還此對寒牕聖門莫忘心期遠文鼎何妨筆力扛
去去成名深自警白雲飛處倚門雙

再和商卿

近識城南吳市仙千巖活句得真傳令人向壁卧三日

悔我讀書空十年樽酒細論還得否風帆欲去獨依然
從今千里清秋夢長在高山流水邊

九日與沈叔晦季文王仲舉登鄞城

城上西風草欲霜登臨聊不負重陽江山遠近秋容老
雲樹參差野意長一笑四人真莫逆百年此會定難忘
不妨小學陶公醉籬下寒花恰半香

送李文授知括

中興尚有名臣子江表能餘正始音擬贊經綸須老手

更分符竹此何心麒麟閣上風雲舊烟雨樓前山水深
世事由來偶然耳公餘端不廢清吟

送別常叔度知縣

一塵誰問野人居三徑重迂長者車不訝經年忘造請
應憐畏影正逃虛舉頭鳬舄雙飛去送目鵬霄萬里初
青瑣黃扉對宮燭相思肯寄一行書

一朝傾蓋更傾心頗畏人驚語太深乍可陶廬煩送酒
難堪偃室傍鳴琴君今此去班羣玉我亦何言託斷金

啼鴉飛花春又了蕭蕭風雨卧山林

世緣傷巧亦傷多萬古浮雲瞬息過唯有平心供日用
妙於養氣發天和細看局度兼諸老誰道人才各一科
卓魯從來公輔器攀轅卧轍奈君何

梅花

眼明那得許精神爲問凡花隔幾塵雪月故為三益友
乾坤又付一番春詩情消得吟成瘦畫手終應苦未真
於我心期獨何事小牕清夜絕相親

陳傅朋和余梅花舊作余再賦此

肌膚冰雪定何神不用靈犀自辟塵一笑未妨娛獨夜
百花誰敢鬪先春孤山詩侶須君復吳市仙踪只子真
此外紛紛莫相汙風姨月姊故情親

鄞城通守廳和潘文叔梅花韻

未將春草貯鳴蛙寂寞西湖處士家正喜數枝斜更好
聊沽一醉醒還賒骨清是我冰霜侶心賞從渠錦繡華
不厭相過娛夜永摘芳和雪試煎茶

鄧中和張世隆總管春曉卽事

春欲歸時豈得畱杜鵑聲裏翠陰稠柳橋總是千絲恨
花徑真成萬點愁東土雲山供我老西湖風月稱公遊
相逢一笑難重覓急趁餘芳醉玉舟

送明守黃子由尚書赴召

燈火笙歌別海壖詔書歸覲九重天已將清淨安齊國
不使聲名減潁川題品人才看贊贊扶持皇極在平平
文星舊與文昌亞今貫三台更炳然

石龜古梅

原註
癸亥

妙絕人間獨此逢
石龜峯下野橋東
亭亭玉骨冰肌子
櫛櫛蒼髯綠髮翁
偃蹇生懷千古意
蕭疎元是一家風
何妨少入時人眼
鼎鼎終論第一功

與趙伯藏信叟游天衣寺詩

渺渺湖風引桂舟
竹輿沙徑晚山稠
千峯影底鳴雙澗
三伏日中含九秋
邂逅襟期俱洒落
等閒歸計少遲留
何時更約雲門路
踏破青鞋布襪休

雪中早起偶作

年來愛雪起清晨已汙紛紛車馬塵何似柴扉終日閉
靜看玉宇一番新孤吟豈必煩餘子小酌仍先壽我親
更喜豐年報消息力田甘作太平民

臘月二日雪霽與王君玉榮淳甫謁山陰陸放

翁夜歸

十日山陰雪塞門曉來飛霰尚紛紛扁舟忽憶尋安道
載酒還成訪子雲便喜晴湖光璀璨何妨歸路日黃曛

侯家煥館多良宴此段風流恐未聞

寄馬塘范叔剛

海風吹月動蒼茫欲往從君道路長
羈羽沈鱗徒影響
秋鴻社燕各炎涼紛紛忍逐塵埃盡
落落猶期日月光
想得清吟散愁獨書來金薤翦琳琅

西溪會范叔剛用舊所寄韻

出門煙水思微茫客裏行吟晚興長
萬里雲霄自今古
百年毛髮幾暄涼人間但有詩書樂
眼底何須印綬光

遙夜青燈耿霜月非君誰共語琅琅

笑渠

生來不著塵泥瀉天下何妨名字多一世炎涼獨風月
四時榮落付煙波自知根節全冰玉人道丰姿照綺羅
濯濯晨光香十里為君敲漿叫吳歌

陳正叔縣尉見示所著詩文以詩謝之

文章千古一毫端妙處工夫到底難春色無邊知造化
海風不斷識波瀾看君健筆凌霄漢照我清臆醒肺肝

寶劍莫憂人未識光芒須動斗牛寒

送陸華父歸越

四海桐江陸使君

原註
務觀

阿咸詩律更通神時無勢力能推

轂獨使文章老斲輪萬卷詩書堪遺子千巖風月未全
貧青鞋布襪雲門路雞黍容吾叩主人

七月十一日大雨次日又大雨

秋來大火太焚如惱得天公痛掃除兩夕簷聲撼江海
一番涼意洗郊墟眼明還我詩書樂骨醒從渠枕簟疎

明日快晴應更好莫妨千里薦嘉蔬

贈篆字高光遠秀才

書家千載得陽冰想像規模亦眼明
心手相忘容力到風姿迥出自天成
屠龍絕技常難售畫虎何人浪自名
良苦窮途說奇字誰能載酒似西京

九月二十七日夜大風雨頓涼偶作

五更風雨洗驕陽滿耳秋聲撼我牀
夢裏忽知身化羽覺來新免汗翻漿
可憐團扇辭人去便有寒蟲語夜長

老大幸諳時節慣可能隨世作炎涼

壬子元日遂安縣學講書齒飲前此四十三年
錢建為令嘗有此集題名在壁是日詹本仁有
詩余和其韻

壁宇塵埃四十年滿堂還喜會羣賢是非不用論今昨
禮樂從知有後先酒外山川如動色詩成金石迭相宣
分陽令尹強人意鄉飲彬彬更可傳

原注是日奚
令行鄉飲禮

贈桐廬孫令孫字季文疑與余昆弟也

偶然姓字齒鄉評若誤旁人問弟兄五斗還來作鄰社
一杯真此定宗盟公懷皚皚英雄事我獨區區丘壑情
便看蛟龍擘雲起何由鴻鴈作行鳴

仲兄來爲母氏壽言歸有作

瀟瀟雨作對牀聲小語燈前睡不成詩禮一庭真自樂
江山千里若爲情遠來正覺親顏喜別去其如心事驚
孟氏小園能辦否徑須歸共白鷗盟

十一月二十六日南至天色佳甚

天心應喜一陽來，萬里寒陰曉自開。
消息早傳從嶰竹，發生先合到江梅。
遙瞻雙闕呈雲瑞，正想三宮舞壽杯。
草木微情共時節，思親南望獨徘徊。

周次山和立春詩答之

不用文章作序棋，由來人事亦天時。
且須竹葉千鍾渌，莫問菱花兩鬢絲。
社燕秋鴻無舊影，曉猿夜鶴有餘悲。
春來只被奚奴笑，春日吳中更幾詩。

雨中過湖

煙雨平湖短棹歸，清秋休作楚詞悲。
關心千里蓴鱸興，轉眼一年橘柚時。
好景何妨閒處得，勝懷應少俗人知。
相過拊掌有奇事，添得錦囊無數詩。

和答吳斗南中秋見懷并約王子合見過

百里平湖一夜舟，跂予東望渺離愁。
可能無意山陰雪，空復相思楚澤秋。
宣室待君今即召，草堂移我欲歸休。
詩來已拜千金諾，得得開帆莫轉頭。

歸夢千巖萬壑東，起尋蓑笠喚漁童。
塵忙憐我三年久，

撥置期君一笑同只恐令嚴詩債急不愁夜短酒杯空
相攜更得王文度此段風流儘未窮

送別惟肖贊府

如椽老筆健文章枉對槐間鴈驚行只共低頭了官事
忽驚舉手勸離觴百年可落塵埃夢一瓣曾薰知見香
珍重平生安樂法窮通何地不徜徉

答叔剛見貽

浪復辭家客鳳城小樓春晝寫蘭亭從教佩印榮蘇子

豈為鉏金動管寧尚有故人同一笑何妨時俗忌偏醒
君知濯濯東風柳早晚飛花變綠萍

又答韻

連陰漠漠鎖春寒閒檢新年歷日看節裏人言太幽獨
牀頭書喜報平安山林決計應宜早藜藿謀生未苦難
歸對妻孥真大笑鮎魚元不解綠竿

范叔剛以詩送豆粥次韻答之

平生畫餅復炊沙空有饑腸不受嗟多謝殷勤餉時節

頓忘憔悴客京華
賣書未卜來同往
厚意何時報有加
爲說癡人不堪飽
更思春酌對簷花

再答沙字韻

羊裘蒟笠慣煙沙
強走塵埃合自嗟
幸有蠹魚供老醜
何勞汗馬戰紛華
情親過我談無底
語妙多君點不加
晴日西湖重載酒
梅梢應及未飄花

三用沙字韻簡叔剛

雄心八駿騁流沙
猛氣千人廢咄嗟
總有畫圖堪歎息

應無大藥駐容華。田園終勝爲形役。餐飯聊須努力加。
此語非君誰舉似。夜闌清坐落燈花。

避難至海陵從先流寓兄弟之招仍邂逅故人

馮元禮二首之一

脫身兵火欲何之。不料茲焉過所期。軒檻如僧縈橘柚。

鄉關似夢識

原註一作憶

蒿藜弟兄朋友談平昔

原註一作日

盜賊羌

戎問幾時共約更明王道正。或能一語到天墀。

答簡夫

不怪年來萬事非聊須把酒賦新詩乾坤正自無今昔
草木何妨有變衰白髮我甘投老去紅顏君惜卧春時
古人不朽終何事此段工夫可浪施

拂拭瑤琴聽我歌湯湯三歎又莪莪了知世道從來久
長覺人心苦太多便踏早朝陪鳳輦更憂春夢隔鯨波
此生付與天公竟鐵杵成針取次磨

李簡夫知易用其父韻見貽且示和陶一編併
和二章答之簡夫久病猶未安也

晚矣歸來悟昨非
喜君先我和陶詩
何嫌潦倒心長在
故想呻吟氣不衰
春日鶯啼花發處
秋空雲靜月明時
箇中差勝長安客
俯仰無寧似戚施

閒中筆墨故相宜
遣興由來不厭詩
日仰慈顏長自愛
年方強仕莫言衰
新來定得安心法
此事還勝未病時
肯共切磋須我輩
獨無瓊玖報先施

師守之官枉駕過
龍鵠省先公墓而去
二詩送之

不向衡門把一杯山中話別且徘徊
嵐侵征帽晨疑雨
葉擁寒爐夜撥灰
路入西州空馬策
詩尋東閣正官梅
感君得得同來意
回首行臺檄屢催

遠道勤君屐齒迂
寄聲從此問何如
歸鴻不與斜陽盡
離恨還將落葉書
吏橫要須先縛虎
民勞切記莫驚魚
扶藜目送雙旌發
愁絕誰憐澗上居

寄別袁和叔

風帆曉影動行裝
月淡芙蓉浦淑香
正想雙親開色笑

不須千里歎淒涼隨行書卷生涯在省事官曹氣味長
便為君山問今古一樽清嘯滿江鄉

遂安同官蔣主簿滿秩歸宜興相見杭都以詩
別之

溪閣小亭樂有餘分攜萬里意何如却憐倦鳥投林後
尚及棲鸞振翼初髮白相看無可奈眼青如舊未應疎
熟聞陽羨佳山水會許扁舟問所居

寄江陰使君叔木叔

一麾遙駐水雲間，說鈴齋盡日間。
蝗似九江那敢近，珠於合浦定先還。
天人影響從千古，賢哲功名正一斑。
且續醉翁豐樂記，莫將風月負君山。

寄史同叔開叔

千頃東湖風月中，去年厭看藕花紅。
可驚雲水將身遠，不得琴書與子同。
四海人才尊一老，百年門戶到三公。
傳家報國諸君事，心地勤收汗馬功。

石莊臨大江，望江陰君山懷淮陰尉。
用去年送

行韻寄之

日把文書揖上官恐將心事負儒冠塵埃日月忙中度
學問工夫實處難鶯谷已成經歲別鷓巢且向一枝安
絕憐對眼江南北不得君山並馬看

和趙生唐卿師白韻遊橫溪

野橋高竹轉修籬問訊東風步履隨雨過天清水聲急
山長雲白鳥飛遲從來丘壑多幽興隨分風流到小詩
一榻煙霞須早計莫教容易鬢成絲

和曾舜卿少府

心情老懶漫爲官世路羊腸步步難存我天真師櫟社
從渠官達夢槐安晝眠竹簟風吹醒夜釣羊裘雪洒乾
歸去元龍湖海士白鷗盟在不應寒

和簡叔遊張園

賦歸堂上憶春山點筆題詩傍石欄老子如今已陳迹
故人誰與共追歡青燈客舍一杯酒細雨江城二月寒
多謝相過同太息百年身世夢中看

送袁和叔赴淮陰尉

底事書生用一官，
彊隨時樣著衣冠。
千年蠹簡人情冷，
百折羊腸世路難。
未必功名欺老大，
且憑書信報平安。
秋風我亦淮東去，
留取江山對眼看。

借韻跋林肅翁題詩

昔冠南宮淡墨書，
當年萬卷各名糊。
至今處子尚綽約，
應笑老婆曾抹塗。
詠慶雲圖如著色，
和薰風句更從諛。
行三十里余方悟，
敢與楊脩校智愚。

和項平父送別

逐逐衣冠謁府公，漸諳楚語異吳儂。
重江跋涉家何在，一飯辛勤計未工。
自恐風塵成冗俗，人言山野欠疏通。
夜長不寐思吾友，撥盡寒爐宿火紅。

長江風景舊聞知，雪裏經行亦大奇。
官舍荒涼乏松竹，邊城清晏少文移。
有時懷古登臨久，自省無才職分卑。
白日閉門還獨笑，讀書吾亦太營私。

前途事業自登山，高下相懸進一關。
莫倚陂陀能迤邐，

可無尺寸怯躋攀
我來正作三年計
君別何當萬里還
辦取相逢須刮目
轉頭清鏡欲蒼顏

寄黃州錄事劉進之同年

騎曹新上雪堂西
千里淮南望眼迷
正我尋雲並滄海
思君步月過黃泥
清時鼓角無驚夢
勝日樽壘有共攜
人物風流對江浪
數將冰齒寄新題

濡須道中詩

睡足蓬牕江月明
濡須浦口片帆輕
菰蒲兩岸長春水

楊柳一村啼曉鶯休指山川問今古且欣時節正蠶耕
白鷗容與滄波去應識幽人萬里情

望建康諸山

白沙城上望金陵滿眼風煙草樹青山色千年圍故國
江流萬里赴滄溟驚心采石瓜洲渡搔首長干白下亭
一笑書生強多事蕭蕭飛鴈落寒汀

王子中使君家東澗脩竹

一徑脩篁百畝深倚天喬木更陰陰紅塵萬事不到眼

好景四時長會心穩著亭臺添遠趣透開風月自清音
使君晉宋家人物消得間中此醉吟

春日自警

春風吹盡一川冰野色山光弄晚晴節物榮枯能幾許
人生寒暑正堪驚百圍松檜秋毫壯千丈羅紈尺寸成
飽食安眠欲何用徬徨終夜月華明

和頂山前韻

小山搖落故淒涼想象登臨野興長萬里晴空初鴈入

一年好景又橙黃極須痛飲償秋節生怕踈鐘報夕陽
搔首故園歸未得荒籬寒菊為誰香

和方與行韻

千里家山且寄音小牕孤坐息深深平生肯恃張儀舌
今日猶存趙武心歲暮天寒休復問夢回酒醒故難禁
梅梢春信知何似驛使來時為一尋

